

KONEKSYON

YON BILTEN ENFÒMASYON POU PARAN LEKÒL LETA MIAMI-DADE COUNTY

SA KI LADAN:

- Mwa pou Bay Konsèy
- MAKE DAT LA! Fwa Kolèj Nasyonal la Ap Vin Miami
- M-DCPS Amelyore To Gradyasyon Eksepsyonèl Istorik Li a

Janvyè 2020

Biltèn 12 | NIMEWO 59 |

Opinyon

Kominotè

SONDAJ SOU ENTÈNÈT

belltimes.dadeschools.net

Nou vle tande ou! Bay opinyon ou atravè Sondaj Kominotè nou an nan <http://belltimes.dadeschools.net/>.

SOTI NAN DEVASTASYON RIVE NAN POU SUIV DE (2) DIPLÒM. KONSEYE NAN 'MIAMI MUSIC PROJECT' AP KREYE YON AVNI KI PI BRIYAN POU ELÈ



Starina te fèt ann Ayiti e se la li te pase majorite anfans li. Lè l te gen sèlman nevan, kay li te tounen dekonb apre tranbleman tèt ki te fèt Ayiti an 2010 la. Fanmi li pa t gen kote pou yo ale e yo te konn pase nuit yo nan lakou devan kay la. De (2) semèn apre, Starina te byen tache sou planche yon avyon militè avèk ti sè li a, yo t ap kite paran yo dèyè pou

al viv avèk fanmi yo nan Florid. Lè paran yo te vin reyini kèk mwa apre, lavi yo te tèt anba. Yo t ap fè fas ak estrès pòs-twomatik, yo te toujou ap deplase, e yo te toujou ap chanje travay. Malgre difikilte sa yo, Starina te gen yon sèl bagay ki te konstan pou li: 'CELLO.'

'Miami Music Project' te fè patenarya avèk Lekòl Leta Miami-Dade County e li te ouvri yon branch nan pwogram li a nan zòn 'Little Haiti' a an 2011. Starina te youn nan premye timoun ki te antre nan pwogram nan e li te reyalize mizik se sèl bagay ki te konstan pou li e li te ka konte sou li. Konsèy li te resevwa nan 'Miami Music project' te pèmèt li eksprime li, e jwenn yon konfyans li pa t genyen nan tèt li avan, ansanm ak

detèminasyon pou l avanse atravè tout kalite obstak li t ap rankontre yo. Li te fè pwogrè trè vit e li te atenn pi wo nivo nan pwogram nan, tankou jwe nan òkès la.

Ane pase, Starina te gradye nan lekòl segondè e li te antre nan DePauw University, kote l ap etidye Mizik ak Biyoloji alafwa.

"MIAMI MUSIC PROJECT SE YOUN NAN PRENSIPAL SOUS AMELYORASYON PÈSONÈL MWEN E KI PÈMÈT MWEN VIN YON MOUN KI RESPONSAB. MWEN KA DI AVÈK KONFYANS GRAS AK PWOGAM SA A MWEN SE YON PI BON MOUN!"

- STARINA D'HAITI



Kavough Jernigan, Etidyan Syans Politik nan Florida A&M University.

Enskripsyon mwen nan kolèj te yon eksperyans ki long, e ki fè m santi m fyè. Mwen se premye pami frè/sè m yo ki ale nan inivèsite e m ap tèmene etid mwen nan mwens pase katran. Mwen kenbe yon Mwayèn Jeneral 3.4 pandan twazan mwen sou kanpous FAMU an. Mwen antre nan plizyè òganizasyon e mwen okipe pozisyon lidè, kòmanse nan Sekretè Administratif rive nan Vis Prezidan.

Mwen santi m rekonesan dèske m rive nan degre sa a e mwen akonpli tou sa, men san asistans konseye mwen ak 'Take Stock in Children,' mwen pa t ap gen mwayen pou m

peye pou kolèj. Menm jan ak lòt moun ki pase avan mwen, bousdetid sa a pèmèt mwen pousuiv yon degre nan kolèj san m pa enkyete mwen twòp konsènan èd finansye. Mwen ankouraje tout moun pou yo pousuiv yon edikasyon siperyè. Fondasyon tankou 'Take Stock in Children Mentoring Program' ofri elèv tankou mwen opòtinite pou pousuiv edikasyon siperyè. Sèvi ak òganizasyon sa yo pou akonpli objektif edikasyonèl nou menm jan mwen fè sa.

**KONSAKRE OMWEN
INÈDTAN PA SEMÈN KÒM
YON KONSEYE SE YON
MESAJ KI MONTRE YON
TIMOUN LI ENPÒTAN NAN
MOND LA.**

TIKONSÈY SOU ENTÈNÈT POU PARAN

Primè:

**Anseye Pitit Ou Fason pou Li
Balance Lekòl ak Aktivite**
<http://bit.ly/39K7JLL>

Segondè:

**Ede Adolesan Ou Venk Laperèz pou
Egzamen Admisyon nan Kolèj**
<http://bit.ly/2XA3z3n>

DAT AK ENFÒMASYON ENPÒTAN

17 fevriye
Fèt Tout Prezidan
(All Presidents Day)

23-27 mas
Vakans Prentan

MAKE DAT LA! FWA KOLÈJ NASYONAL LA AP VINI MIAMI, 23 FEVRIYE 2020 ENSKRI DAVANS SOU ENTÈNÈT KOUNYE A!



Reprezantan k ap soti nan prèske 200 kolèj ak inivèsite ap nan Fwa Kolèj Nasyonal 2020 Miami an – dimanch 23 fevriye 2020, pou rankontre elèv ak paran sou sijè tankou èd finansye, planifikasyon pou kolèj, admisyon, ak kondisyon pou pran egzamen. Fwa a, ki gratis, ap fèt soti midi pou 4è nan

aprèmidi, nan DoubleTree by Hilton Hotel Miami Airport & Convention Center, 777 N.W. 72nd Ave., Miami, FL 33126. Pakin se \$5, lajan kach sèlman.

Yo ap prezante sesyon enfòmasyon yo ann Espayòl e an Kreyòl. Gen yon Sant Konseye ki ap disponib pou pèmèt elèv ak paran yo jwenn opòtinite pou pale avèk pwofesyonèl ki gen fòmasyon nan preparasyon, admisyon ak bousdetid pou kolèj.

Mande enfòmasyon nan divès kolèj/inivèsite nan Fwa Kolèj la fasil. Lè elèv enskri davans, yo ka enprime yon konfimasyon ki kode y ap ka itilize nan Fwa a kòm yon idantifikasyon elektwonik. Elèv ka enskri davans nan www.gotomyncf.com.

Se "National Association for College Admission Counseling (NACAC)" (Asosyasyon Nasyonal Konseye pou Admisyon nan Kolèj) ak Lekòl Leta Miami-Dade County ki ap patwone evènman an. Chèmann Komisyon Konsèy Lekòl, Perla Tabares Hantman se ko-chèmann komite lokal Fwa Kolèj Nasyonal la. Sa fè 23èm ane konsekitif li kòm Ko-Chèmann. Chak ane NACAC patwone fwa nan plis pase 50 vil atravè peyi a ki atire 650,000 elèv ak paran.

Pou plis enfòmasyon, kontakte liy enfòmasyon pou Fwa Kolèj la nan 305-995-1739 oubyen vizite www.nacacnet.org.

Suiv evènman an sou medya sosyal nan #collegefairmiami.

M-DCPS AMELYORE TO GRADYASYON EKSEPSYONÈL ISTORIK LI A



a 84.9 pousan ki depase to eta a ki se 82.9 pousan.

To gradyasyon Miami-Dade pou elèv Blan, Ispanik, SWD ak sa ki Ekonomikman Defavorize yo depase to eta a. Sa se yon akonplisman remakab pou yon klas gradyasyon y ap mezire sou evalyasyon FSA ELA 10èm ane Eskolè ki pi rijid la.

To Gradyasyon “Miami-Dade County Public Schools (M-DCPS)” (Lekòl Leta Miami-Dade County) atenn yon pousantaj 85.6 li poko janm rive pou ane akademik 2018-2019 la, yon ogmantasyon .2 pwen pousantaj pa rapò ak 85.4 pousan nan ane anvan an. To sa a make pi gwo to gradyasyon M-DCPS atenn depi Depatman Edikasyon Florid te kòmanse suiv estatistik gradyasyon avèk metòd modèn nan fen ane 1990 yo. Si yo te retire lekòl ‘charter’ yo nan kalkil la, to gradyasyon lekòl Distri a ap jere yo t ap 89.2 pousan.

Depi 2006-2007, to gradyasyon Distri a ogmante de prèske 27 pwen

pousantaj soti 58.7 pousan rive 85.6 pousan an 2018-19. Sa k ap suiv yo se gran liy pèfòmans Distri a:

- Elèv Ispanik yo amelyore de .6 pwen pousantaj a 86.7 pousan ki depase to eta a ki se 85.9.
- Elèv blan yo amelyore de .7 pwen pousantaj a 91.8 pousan ki depase to eta a ki se 90.2.
- To gradyasyon pou “Students with Disabilities (SWD)” (Elèv ki Gen Andikap) amelyore de 2.5 pwen pousantaj a 82.2 pousan ki depase to eta a ki se 80.6 pousan.
- Elèv ki Ekonomikman Defavorize yo amelyore de .3 pwen pousantaj

REYINYON KOMISYON KONSÈY LEKÒL

12 fevriye
11:00 dimaten
Reyinyon Regilye

11 mas
10:00 dimaten
Odyans Piblik sou Materyèl Enstriksyonèl

18 mas
11:00 dimaten
Reyinyon Regilye


MEDYA SOSYAL

 @MDCPS
@EscuelasMDCPS
@MiamiSup

 @MiamiSchools
@AlbertoMCarvalho1

 @MiamiSchools
@MiamiSup

 @MiamiSchools



www.dadeschools.net

Rete konekte avèk Lekòl Leta Miami-Dade County. Asire w ou suiv nou sou medya sosyal yo pou dènye nouvèl ak enfòmasyon konsènan distri lekòl la. #MDCPSConnects

Komisyon Konsèy Lekòl Miami-Dade County, Florid

Perla Tabares Hantman, Chèmàn	Doktè Marta Pérez
Doktè Steve Gallon III, Vis Chèmàn	Mari Tere Rojas
Doktè Dorothy Bendross-Mindingall	Alberto M. Carvalho
Susie V. Castillo	Sipèntandan Lekòl yo
Doktè Lawrence S. Feldman	Christopher Badillo
Doktè Martin Karp	Konsèyè Elèv nan Komisyon Konsèy Lekòl la
Lubby Navarro	

Se yon Pwodiksyon Biwo Kominikasyon an

Daisy González-Diego Ofisye Anchèf Kominikasyon